

宋
名
家
詞

壽域詞

目錄

鶴冲天

一調

兩同心

一調

玉闌干

一調

浣溪沙

二調

惜春令

二調

踏莎行

四調

端正好

四調

菩薩蠻

三調

醜奴兒

二調

鳳銜杯

二調

少年遊

一調

玉樓春

七調

河滿子

二調

山亭柳

一調

合歡帶

一調

更漏子

三調

喜遷鶯

一調

杜韋娘

一調

胡搗練

一調

少年遊

一調

鳳栖梧

五調

浪淘沙

三調

更漏子

一調

行香子

一調

巫山一段雲

一調

生查子

一調

賀聖朝

二調

安公子

一調

蘇幙遮

調

漁家傲

三調

剔銀燈

三調

臨江仙

二調

折紅梅

一調

採明珠

一調

朝玉階

二調

卜算子

二調

瑞鷓鴣

一調

燕歸梁

調

酒泉子

一調

菊花新

二調

鵲橋仙

二調

虞美人

三調

鳳栖梧

五調

壽域詞目

汲古閣

壽域詞目

終

壽域詞

宋 杜安世

鶴冲天

清明天氣永日愁如醉
臺榭綠陰濃薰風細燕
子巢方就盆池小新荷
蔽恰是逍遙際單夾衣
裳半攏軟玉肌體
石榴美艷一撮紅綃比窓
外數修篁寒相倚有箇關
心處難相見空凝睇
行坐深閨裏懶更妝梳
自知新來憔悴

兩同心

巍巍劒外寒霜覆林枝望衰柳尚色依依暮天
靜鴈陣高飛入碧雲際江山秋色遣客心悲
蜀道崕嶮行遲瞻京都迢遞聽巴峽數聲猿啼
惟獨箇未有歸計謾空悵望每每無言獨對斜
暉

玉闌干

珠簾捲春殘景小雨牡丹零盡庭野悄悄燕高

空風飄絮綠苔暗侵 欲將幽恨傳愁信想後
期無今憑定幾回獨睡不思量還悠悠夢裡尋
趁

浣溪沙

模樣偏宜掌上憐雲如雙鬢玉如顏身材輕妙
眼兒單 幽會未成雙悵望深情欲訴兩艱難
空教魂夢到巫山

又

橫画工夫想未全
雙雙文彩羽儀鮮
和鳴偕老是天然
暮雨並深流細草
暖風交頸傍清漣
羨他真個好因緣

惜春令

春夢無憑猶懶起
銀燭盡画簾低垂
小庭楊柳黃金翠
桃臉兩三枝
粧閣慵梳洗
悶無緒
玉簫拋擲絮飄紛紛
人疎遠空對日遲遲

又

今夕重陽秋意深籬邊散嫩菊開金萬里霜天
林葉墜蕭索動離心 臂上茱萸新似舊年堪
賞光陰百盞香醕且酬身牛山會難尋

踏莎行

雨霽風光春分天氣千花百草爭明媚画梁新
燕一雙雙玉籠鸚鵡愛孤睡 薜荔依牆莓苔
滿地青樓幾處歌聲麗暮然舊事上心頭無言
斂皺眉山翠

又

夜雨朝晴東風微冷雕梁燕子閑相並後園次第
敷芳菲千香百艷年年定步險樓高人賒
途迥煙蕪冉冉斜陽暝紅牋寫盡寄無因想伊
不信人成病

又

嫩柳成陰殘花雙舞塵消院落新經雨洞房深
掩日長天珠簾時有沈煙度夜夢淒涼晨妝

薄注香肌瘦盡寬金縷到頭終是惡因緣當初
只被多情誤

又

閑院秋千又還拆了絲苔遍地青春老画樓日
晚燕歸巢紅稀翠盛梅初小窈窕身輕怎禁
煩惱羅衣漸減怯風峭韶華好景想多才厭厭
只爲書音少

端正好

壽域詞

四

汲古閣

檻菊愁煙霑秋露天微冷雙燕辭去月明空照
別離苦透素光穿朱戶夜來西風彫寒樹凭
闌望迢遙長路花牋寫就此情緒特寄傳知何
處

又

每逢春來長如病玉容瘦薄妝相稱雙歡未經
成孤冷柰厚約全無定衆禽啾唧聲愁聽相
思事多少春恨孤眠帳外銀缸耿透一點爐烟

曉

又

露落風高桐葉墜
小庭院秋涼佳氣
蘭堂聚飲
華筵啓罷
令曲呈珠綴
晚天行雲凝香袂
新聲內分明心意
玉爐初噴檀烟起
斂愁在雙蛾翠

又

野禽林樾啾唧語
閑庭院殘陽將暮
蘭堂靜悄

珠簾翠想玉人歸何處
喜鵲幾迴薄無據愁
都在雙眉頭聚淒涼方感孤鶯侶對夜永成愁
緒

菩薩蠻

遊絲欲墮還重上春殘日永人相望花共燕爭
飛青梅細雨枝離愁終未解忘了依前在擬
待不尋思剛取夢見伊

又

花明月暗朦朧霧此時欲往郎邊去剗襪下香
階手攜金縷鞋藥蘭東畔見執手偎人顫奴
爲出來難從君恁恹恹

又

錦機織了相思字天涯路遠無由寄寒鴈只銜
蘆何曾解寄書緘封和血淚目斷西江水擬
欲託雙魚問君情有無

醜奴兒

櫻桃謝了梨花發紅白相催燕子歸來幾處風
簾繡戶開 人生樂事知多少且酌金杯管咽
聲哀慢引蕭娘舞一廻

又

微風簾幙清明近花落春殘樽酒留歡添盡羅
衣怯夜寒 愁顏恰似燒殘燭珠淚闌干也欲
高拚爭奈相逢情萬端

鳳銜杯

人生不似月初圓。歎分飛容易，經年悵慘斷雲。
片雨□□□□□□□□ 金鉢小玉槽慳。
想至今誰爲相憐。多少舊歡往事，一潸然空牽。
惹病纏綿。

又

留花不住怨花飛。向南園。情緒依依。可惜倚紅
斜白，一枝枝，經宿雨，暮江披。 凭朱檻，把金卮。
對芳叢。惆悵多時。何況舊歡新恨，阻心期。滿空

眼是相思

少年遊

小軒深院是秋時
風葉墮高枝
疎簾靜永薄帷
清夜暑退覺寒微
淒涼天氣離愁意
音書杳難期
多情成病不須醫
更憔悴轉尋思

玉樓春

玉燭光明正旦好
斗柄東回春太早
嶺寒猶鎖去年梅
江暖新催今歲草
蜀國熙熙冬令杪

更喜壽陽新夢覺玉杯齊舉樂音諧遙想金階
天仗曉

又

風解池冰蟬翅薄庭樹枝枯籠翠萼背寒迎暖
起猶慵閑捲珠簾憑画閣晴景融融烟漠漠
天際行人乖信約病容先怯見春來長到恁時
添瘦惡

又

晴景融融春色淺
落盡梅花千萬片
小池冰解
水紋生
消息未聞梁上燕
輕倚輕寒風力軟
目斷孤雲天自遠
又還依舊去年時
寂寞病容
人怪見

又

三月牡丹呈艷態
壯觀人間春世界
鮫綃玉檻
作扁櫳
淹雅洞中王母隊
不奈風吹兼日暝
國貌天香無物賽
直須共賞莫輕孤
回首萬金

何處買

又

綸命忽從天上至
便綰兵權辭漕計
漢廷起草
舊郎官蜀部坐籌新將帥
紅旆碧幢春色裡
嬌馬嘶風花片墜
送行今日短亭中
惱亂故人
須盡醉

又

春景拋人無處問
多謝石榴花又噴
茜羅揉出

辟英繁紅蠟縷成香藥潤
血色新裙羞莫近
密葉柔條相間襯雨餘寂寞
假山傍鄉國尚遙
西海信

又

三月初三春漸老遍地殘花風暗掃
命儔
攬笙歌臨水汎觴遊宴好
浮利浮名何足道
麗景芳時須笑傲今年不似去年懽
雲海路長
天香

河滿子

細雨裛開紅杏新妝粉面鮮明東君何事交來
早更無綠葉同榮獨倚青樓吟賞目前無限輕
盈 命薄不倚欄檻或占郊垌清香繁艷真堪
愛枉教寂寞凋零相次牡丹芍藥王孫誰道多
情

又

柳嫩不禁搖動梅殘儘任飄零雨餘天氣來深

院向陽纖草重青寂寞小桃初綻兩三枝上紅
英 又見雲中歸鴈嗈嗈斷續和鳴年年依舊
無情緒鎮長吟落銀屏不語閑尋往事微風頻
動簾旌

山亭柳

曉來風雨萬花飄落歎韶光虛過却芳草萋萋
映樓臺淡烟漠漠紛紛絮飛院宇燕子過朱閣
玉容淡妝添寂寞檀郎孤願太情薄數歸期

絕信約暗添春宵恨
平康恣迷歡樂時時悶
飲綠醕甚轉轉思量著

合歡帶

樓臺高下玲瓏鬪芳樹
綠陰濃芍藥孤栖香艷
晚見櫻桃萬顆初紅
巢乳燕珠簾鏤曳滿戶
香風罩紗幮象牀屏枕
盡眠才似朦朧起來
無語更兼慵念分明
事成空被你狀厭牽繫我
怪絨腰繡帶寬鬆
春來早是分飛兩處
長恨西

東到如今扇移明月
單鋪寒淚與誰同

更漏子

雪肌輕花臉薄愁困不忺梳掠眉翠裊眼波長
俚人言語香看難厭憐不足苦恨別離何速
朱樹遠彩鸞孤今生重見無

又

臉如花花不笑雙臉勝花能笑肌似玉玉非溫
肌溫勝玉溫既相逢情不重何似當初休共

情既重却分飛事如不見伊

又

鏤金環連玉珥顆顆蚌蛤相綴偎粉面映蓮腮
露濃花正開冷光凝負影重幾度偷期搖動
山枕上恐人知摘嫌纖手遲

喜遷鶯令

花不盡柳無窮應與我心同
龍船一棹百分空
何處不相逢
朱絃悄知音夢天若有情應老

壽域詞

十二

汲古閣

勸君看取利名場今古夢忙忙

杜韋娘

暮春天氣鶯老燕子忙如織間嫩葉題詩哨梅
小乍遍水新萍圓碧初牡丹謝了秋千搭起垂
楊暗鎖深深陌暖風輕盡日閑把榆錢亂擲
恨寂寂芳容衰減頓欹玳枕困無力爲少年狂
蕩恩情薄尚未有歸來消息想當初鳳侶鴛儔
喚作平生更不輕離拆倚朱扉淚眼滴損紅綃

數尺

胡搗練

數枝半斂半開時
洞閣曉妝新
注寶香格艷姿
天賦甘被群芳妒
狂風橫雨且相饒
又恐有彩雲迎去
牽破少年心緒
無計爲長主

少年遊

小樓歸燕又黃昏
寂寞鎖高門
輕風細雨惜花
天氣相次過春分
西堂無緒初燃絳
鸞羅帳

壽域詞

十一

汲古閣

掩餘薰多情不解怨王孫任薄倖一從君

鳳栖梧

整頓雲鬟初睡起
庭院無風盡日簾垂地
画閣巢新燕
聲喜楊花狂散無拘繫
近來早是添憔悴
金縷衣寬賽過宮腰細
冉冉光陰似流水
春殘鶯老人千里

又

池上新秋簾幙卷
菡萏嬌紅鑑裏西施面
衰柳

搖風尚柔軟眠沙鷗鵝臨清淺
新翻歸翅雲間燕滿地槐花盡日蟬聲亂獨倚闌干暮山遠
一場寂寞無人見

又

籬落繁枝千萬片猶似多情似雪隨風轉昨夜
笙歌容易散酒醒添得愁無限樓上春雲山
四面過盡征鴻暮景煙深淺一餉凭闌人未見
紅綃掩淚思量遍

壽域詞

十四

汲古閣

又

閑上江樓初雨過滿袖清風微散誰知我蓮臉
佳人顏未破沙洲兩兩鴛鴦臥時有漁歌相
應和疊秀危橫黛潑山千朶一片淒涼無計那
離愁還有些些箇

又

惆悵畱春畱不住欲到清和背我堂堂去飛絮
落花和細雨淒涼庭院流鶯度更被閑愁相

賺誤夢斷高唐回首桃源路一餉沈吟無意緒
分明往事今何處

浪淘沙

後約無憑往事堪驚秋蛩永夜遶牀鳴展轉尋
思求好夢還又難成愁思若浮雲消盡重生
佳人何處獨盈盈可惜一天無用月照空爲誰
明

又

壽域詞

十五

汲古閣

又是春暮落花飛絮子規啼盡斷腸聲秋千庭
院紅旗彩索淡烟疎雨 念念相思苦黛眉長
聚碧池驚散睡鴛鴦當初容易分飛去恨孤兒
歡侶

又

簾外微風雲雨回蹤銀釭燼冷錦幃中枕上深
盟年少心事陡頓成空 嶺外白頭翁到沒由
逢一牀鴛被疊香紅明月滿庭花似繡悶不見

蟲蟲

更漏子

庭遠途程筭萬山千水路入神京暖日春郊綠
柳紅杏香逕舞燕流鶯客館悄悄閑庭堪惹舊
恨深有多少駉駉驀驀嶺涉水枉廢身心思想
厚利高名謾惹得憂煩枉度浮生幸有青松白
雲深洞清閑且樂昇平長是宦遊羈思別離淚
滿襟望江鄉蹤跡舊遊題書尚自分明

行香子

黃金葉細碧玉枝纖初暖日當乍晴天向武昌
溪畔於彭澤門前陶潛影張緒態兩相牽數
株堤面幾樹橋邊嫩垂條絮蕩輕綿繫長江舴
艚拂深院秋千寒食下半和雨半和烟

巫山一段雲

笑擬條風戲裝遲穀雨催彩雲飛下柳樓臺千
朶一時開惜恐塵埃染驚疑紫府來有時香

噴人人懷魂斷客徘徊

生查子

關山魂夢長塞鴈音書少兩鬢可憐青只爲相思老
歸傍碧紗窓說向人人道真箇別離難
不似相逢好

賀聖朝

東君造物無凝滯芳容相替杏花桃萼一時開
就中明媚綠叢金朶枝長葉細稱花王相待

萬般堪愛暫時見了斷腸無計

又

牡丹盛折春將暮群芳羞妬幾時流落在人間
半間仙露馨香艷冶吟看醉賞歎誰能畱住
莫辭持燭夜深深怨等閑風雨

安公子

又是春將半杏花零落閑庭院天氣有時陰淡
淡綠楊輕軟連画閣繡簾半捲招新燕殘黛斂

獨倚闌干暗思前事月下風流狂蹤無限惜
恐鶯花晚更堪容易相拋遠離恨結成心上病
幾時消散空際有斷雲片片遙峯暖聞杜宇終
日哀啼怨暮烟芳草寫望迢迢甚時重見

蘇幕遮

儘思量實耐因甚當初故故相招買早是幽
歡多障礙更遣分飛脉脉如天外有心憐無
計奈兩處厭厭一點虛恩愛獨上高樓臨暮靄
壽域詞

凭暖朱闌這意無人會

漁家傲

微雨初收月映雲巢栖燕子欲黃昏花片不飛
風力困春色盡蠟梅枝上櫻口嫩誰撼金環
鎖深洞薰餘乍厭錦衾溫消減玉肌誰與問朱
明近日長無事添閑悶

又

踈雨才收淡淨天微雲綻處月嬋娟寒鴈一聲

人正遠添幽怨那堪往事思量遍
誰道綢繆兩意堅水萍風絮不相緣
舞鑑鸞腸虛寸斷芳容變好將憔悴教伊見

又

每到春來長如病玉容瘦與薄妝稱不慣被人
拋擲日思當本柰向後期全無定
早是厭厭愁欲凝花間衆禽愁難聽
天賦多情翻成恨有誰問画屏一點爐烟暝

言
剔銀燈

昨夜一場風雨催促牡丹歸去孫武宮中石崇
樓下多情怎生爲主真疑洛浦雲水算杳無重
數獨倚闌干凝竚香片亂沾塵土爭似當初
不曾相見免恁惱人腸肚綠叢無語空畱得寶
刀翦處

又

夜永衾寒夢覺翠屏共繡幃燈照就枕思量離

多會少孤負小歡輕笑風流爭表空惹盡一生
煩惱寫遍香牋分割鱗翼路遙難到淚眼愁
腸朝朝暮暮去便不知音耗終須拚了別選箇
如伊才調

又

好事爭如不遇可惜許多情相誤月下風前偷
期竊會共把衷腸分付尤雲殢雨正繾綣朝朝
暮暮無奈別離情緒和酒病雙眉長聚往事
壽域詞

淒涼佳音迢遞似此因緣誰做洞雲深處暗回首落花飛絮

臨江仙

太史占天雲物好初易律合黃鍾日經南極北
郊風雪花先柳絮飛舞透簾櫳聖運時和兼
歲稔歌歡處處皆同簪聲相慶晚光中金爐紅
獸炭一舉壽杯空

又

遍地殘花庭院靜流鶯對對相過萬條風柳間
婆娑櫻桃初弄色萱草自成窠 早是芳菲時
節晚追遊期會無多眉山斂翠近秋波日長初
睡起愁與病相和

折紅梅

喜輕澌初綻微和漸入郊原時節春消息夜來
陡覺紅梅數枝爭發玉溪珍館不似箇尋常標
格化工別與一種風情似勻點胭脂染成香雪

重吟細閱比繁杏夭桃品流終別可惜彩雲
易散冷落謝池風月憑誰向說三弄處龍吟休
咽大家畱取時倚闌干聞有茂堪折勸君須折

採明珠

雨乍收小院塵消雲淡天高露冷坐看月華生
射玉樓清瑩蟋蟀鳴金井下簾幃悄悄空階敗
葉墜風惹動閑愁千端萬緒難整 秋夜永涼
天迴可不念光景嗟薄命倏忽少年忍交孤冷

燈閃紅窓影步回廊嬾入香閨暗落珠滿面誰
人知我爲伊成病

朝玉階

春色欺人拂眼清柳條綠絲軟雪花輕黃金纔
鉞掩銀屏陰沈深院靜語嬌鶯美人春困寶
釵橫惜花芳態淚盈盈風流何處最多情千金
一笑須信傾城

又

簾捲春寒小雨天牡丹花落盡悄庭軒
高空雙燕舞翩翩無風輕絮墜暗苔錢
擬將幽怨寫香牋中心多少事語難傳
思量真箇惡因緣那堪長夢見在伊邊

卜算子

深院花鋪地淡淡陰天氣水榭風亭朱明景又
別是愁情味有情柰無計漫惹成憔悴欲把
羅巾暗傳寄細認取斑點淚

又

樽前一曲歌歌裏千重意纔欲歌時淚已流恨
應更多於淚試問緣何事不語如癡醉我亦
情多不忍聞怕和我成憔悴

瑞鷓鴣

夜來風雨損餘芳數片衰紅落檻傍媚景背人
容易去半軒飛絮日空長從來不信相思切
及至如今信感傷獨立黃昏繡簾外可堪新月

露圓光

燕歸梁

風擺紅綃卷
回簾寶鑑慵拈
日高梳洗幾時忺
金盆水弄纖纖
髻雲鬆
嬾衣斜褪
和嬌嬾瘦
巖巖離愁更宿醒
兼空贏得病厭厭

酒泉子

庭下花飛月照妝樓春婉晚
珠簾風蘭燒焰怨
空閨迢迢何處寄相思
玉筯零零腸斷屏幃

深更漏永夢魂迷

菊花新

怎奈花殘又鶯老檻裏青梅數枝小新荷長池
沼當晴晝燕子聲鬧 亭欄花綻顏色好風雨
催催等閑開了酒醒暗思量無箇事甚剛煩惱

又

坐臥雙眉鎖長斂繡戶初開花滿院羅幃翠幙
空風微動玉爐烟颺 兒夫心腸多薄倖百計

壽域詞

二十四

汲古閣

思難爲拘檢幾回向伊言交今後更休拋閃

鵲橋仙

別離情緒多方開解却免厭厭似醉樓高終日
倚欄干目斷有千山萬水 妖嬈薄媚不禁拋
擺漸覺肌膚瘦悴當初相見偶然間不喚作如
今恁地

又

日長天氣深深庭院又是春愁滋味池邊昨夜

雨兼風戰紅杏餘香亂墜
陰陰亭榭暖烟輕
柳萬縷黃金窄地一雙新燕却重來但暗把羅
巾掩淚

虞美人

紅顏綠鬢催人老世事何時了君心天意與年
光春花未遍已秋霜爲誰忙樽前正好閑風
月莫話呈離別直饒終日踏紅塵浮名浮利枉
勞神更愁縈

又

江亭春晚芳菲盡行色青天近
回橋楊柳也多情暗拋飛絮惹
前行路塵清彤庭早晚瞻虞舜
遙聽恩遷峻二年歌宴綺羅人
片雲疎雨忍漂淪淚沾巾

又

爐香晝永龍烟白風動金鸞額
画屏細展小山川睡容初起枕
痕圓墜花鈿樓高不及烟霄

半望盡相思眼
艷陽剛愛挫愁天
故生芳草碧
雲連怨王孫

鳳棲梧

秋日樓臺在空際
画角聲沈歷歷寒更起
深院黃昏人獨自
想伊遙共傷前事
懊惱當初無
算計些子歡娛
多少淒涼味
相去江山千萬里
一回東望心如醉

又

壽域詞

任在蘆花最深處浪靜風恬又泛輕舟去去到
灘頭遇儔侶散唱狂歌魚未取不把身心干
時務一副輪竿莫笑閑家具待擬觀光佐明主
將甚醫他民病苦

又

別浦遲留戀清淺菱蔓荷花盡日妨釣線向晚
澄江靜如練風送歸帆飛似箭鷗鷺相將是
家眷坐對雲山一任炎涼變定是寰區又清晏

不見龍驤波上戰

又

閑把浮生細思算百歲光陰夢裏銷除半白首
爲郎休浩歎偷安自喜身強健多少英賢裨
聖旦一箇非才深謝客疎嬾席上清歌珠一串
莫教歡會輕分散

又

新月羞光影庭樹窓外芭蕉數點黃昏雨何事

秋來無意緒
玉容寂寞雙眉聚
一點銀釭
繡戶莎砌寒蛩歷歷啼聲苦
孤枕夜長君信否
披衣顚坐魂飛去

杜壽域不知何許人
據陳氏云京兆杜安
世字壽域黃氏又云字安世名壽域未知
孰是儕輩嗤其詞不工
余初讀其訴衷情
云燒殘絳蠟泪成痕
街鼓報黄昏
碧雲又阻來信
廊上月侵門
愁永夜拂香裯待誰

溫夢蘭憔悴擲果淒涼兩處消魂語纖致
巧未嘗不工此詞載花庵詞選不載本集
本集載折紅梅一首龔希仲又謂是吳中
丞紅梅閣詞紀之甚詳吳感字應之以文
章知名天聖二年省試為第一又中九年
書判拔萃科仕至殿中丞居小市橋有侍
姬曰紅梅因以名其閣嘗作折紅梅詞曰
喜輕漸初泮微和漸入芳郊時節春消息

夜來陡覺紅梅放
枝上發玉溪仙館不是
箇尋常標格化工別與一種風情似勻點
胭脂染成香雪重吟細閱比繁杏天桃品
流真別只愁共彩雲易散冷落謝池風月
憑誰向說三弄處龍吟休咽大家留取倚
闌干聞有花堪折勸君須折其詞傳播人
口春日群晏必使倡人歌之吳元其閣為
林少卿所得兵火前尚存子純字晦叔文

行亦高鄉人呼為吳先生楊元素本事集
誤以為蔣堂侍郎有小鬟號紅梅其殿丞
作此詞贈之可見詩詞名篇互補者甚多
同時尚未能析疑何況千百年後耶古真
毛晉識

壽域詞終